



**CONCILIO||RVM QVATVOR GENE=||ralium. Niceni.
Constantinopolitani. Ephesini. et Calce=||donensis. Que
diuus Gregorius magnus tanq[uam]|| quatuor Euangelia
colit ac veneratur.||**

Merlin, Jacques

Coloniae, 1530

VD16 M 4842

Concilium Araithense, alias Arausicum.

[urn:nbn:de:hbz:466:1-72934](https://nbn-resolving.org/urn:nbn:de:hbz:466:1-72934)

D III. ¶ Vt p̄sbyteri priuati in fidelibus desiderantibus benedicant, & interminatas has discusiones visum in definitas omnino p̄sbytero p̄ familias, p̄ agros, p̄ priuatas domos, p̄ desiderio fidelium facultatē benedictionis aperire, quod nonnullas iam puincias habere occurrit, huic autem etiam in Ecclesiarum plebibus per loca tamen magis quam vrbes hoc visum est esse tribuendum. In Ecclesia quoque qua ordinatus fuerit consecrandi virginem, sicut confirmandi Neophytum ius habebit, & p̄ omnia vt sit multæ indulgentiæ testimonium semp̄ se inferiorē ep̄o, superiorē p̄b̄o agat, mandatis votisque oim̄ sanctorū p̄sec̄ntibus viuat in timore domini, & ep̄iscopum suum colat, deo seruiat, synodi circa se beneuolentiæ gratias agat, semperque indignum se indultis negatis, & imparem esse fateatur.

E V. ¶ In commune autem omnes qui conuenerant sacerdotes sibi metipsis contra huiusmodi scandala præcauendum censuerunt. Itaque propter eiusmodi temeritatem stabili definitione consultum est, vt de cætero obseruaretur, ne quis ad eam Ecclesiam quæ ep̄iscopum p̄didisset, nisi vicina Ecclesiæ ep̄iscopus exequiarum tempore accederet, qui tamen statim Ecclesiæ ipsius curam distristissime gereret, ne quid ante ordinationem discordantium in nouitatibus Clericorum subuersioni liceret. Itaque cum tale aliquid accidit, vicinis vicinæ ecclesiæ in p̄sc̄tio, de scriptio, recensioque rerum mandatur.

F VI. ¶ Hæc autem omnia exequiarum tempore vsque ad septimam defuncti agat diem, exinde Ecclesiæ referens mandatum metropolitani simul cum omnibus sanctis ep̄is sepeliatur, ne quisquam ad Ecclesiam quæ summum amiserat sacerdotem nisi metropolitani literis inuitatus (ne à plebe decipiatur) accedat, & vim pati voluisse videatur. Ego Hylarius ep̄s iuxta id quod vniuersis sanctis ep̄iscopis meis, qui mecum subscripserunt, placuit statuta patrum his definitionibus subscripsi sub die. XVI. Calendas Decēbris, Theodosio Augusto. VII. Festo. IIII. consulibus Ego Seuerianus ep̄iscopus huic definitioni interfui, & subscripsi die consulibus suprascriptis. Ego Audentius ep̄s statutis interfui, die consulibus suprascriptis, Ego Iulius ep̄s statutis interfui, & subscripsi die consulibus suprascriptis. Ego Achadius ep̄s his definitionibus interfui, & subscripsi die consulibus suprascriptis. Ego Auspitijs ep̄s his definitionibus interfui, & subscripsi die consulibus suprascriptis. Ego Seuerinus ep̄s definitionibus his interfui, & subscripsi. Ego Valerius ep̄iscopus his definitionibus interfui, & subscripsi. Ego Neuterius ep̄s his definitionibus interfui, & subscripsi. Ego Asclepius ep̄iscopus his definitionibus interfui, & subscripsi. Ego Theodorus ep̄s his definitionibus interfui & subscripsi. Ego Vincētius p̄sbyter ep̄a Constantiniani ab eodem ordinatus interfui vice ipsius & subscripsi.

Incipiunt capitula Auraiensis concilij

¶ Vt nullus minister sine chrysmate proficiatur.	1	¶ Vt energumini ad clerum non promoueantur.	16
¶ De hereticis si in mortis discrimine conuertantur	2	¶ Vt in vnum propositio sacramenti confectur.	17
¶ De poenitentibus qui de corpore exeunt	3	¶ Vt euangelia cathecumini non audiant	18
¶ De clericis poenitentiam volentibus	4	¶ Vt cathecumini ad baptisteria non accedant.	19
¶ De his qui ad Ecclesiam confugiunt, ne tradantur.	5	¶ Vt cathecumini cum fidelibus benedictionem non accipiant	20
¶ Nullus pro suis mancipijs qui ad ecclesiam confugiunt clericorum mancipia occupet	6	¶ Vt duo ep̄iscopi ep̄iscopū non faciant	21
¶ De libertis qui in Ecclesia commēdati sunt ne opprimantur	7	¶ Vt clerici coniugati, nisi continentiam profiteantur, diaconi non fiant	22
¶ De his qui clericū alienū ordinare p̄sumūt.	8	¶ De his qui post acceptum diaconatum incontinentes inueniuntur	23
¶ De his qui ciues alienos ordinauerint	9	¶ De his qui priusquam ordinentur, incontinentes inuenti sunt	24
¶ De Ep̄iscopis qui in possessione, & in aliena diocēsi basilicam construxerunt	10	¶ De viris p̄b̄atis si coniugia duplicauerint,	25
¶ De ep̄iscopis qui excommunicatum alterius suscipiunt	11	¶ De diaconis non ordinandis.	26
¶ De his qui subito obmutescunt, quod & baptisimum & p̄eniam accipere possunt	12	¶ De sceminis quæ vdiuitatem professæ sunt coram Ep̄iscopo	27
¶ De his qui mente desipiunt,	13	¶ De his qui professi sunt castitatem, si præuoricati fuerint.	18
¶ De inerguminis baptizatis	14	¶ Vt nullus ep̄s de Concilio sine consensu discedat, aut ad Concilium ire recuset.	29
¶ Vt inerguminis & cathecuminis de baptismo consulatur.	25		

¶ Incipit

Incipit concilium Auaricense tempore Theodo-

filii iunioris & Cyri consulum VI. Idus Nouēb. in ecclesia Iustinianensi.



Vllus ministrorum qui baptizandi recipit officium sine chrismate vsquā de-
bet progredi, quia inter nos placuit semel in baptisate chrismani, de eo au-
tem qui baptisate quacunq; necessitate faciente non chrismatu fuerit, in
confirmatione sacerdos commonebitur. Nam inter nos chrismatu ipsius
non nisi vna benedictio est, vt non præiudicans quicq; dico, sed vt necessa-
ria habeatur rechrismatio.

II. ¶ Hæreticos in mortis discrimine positos si catholici esse desiderēt, si desit episcopus, **B**
presbyteris cum chrismate & benedictione consignare placet.

III. ¶ Qui recedunt de corpore pœnitentia accepta, placuit sine recōciliatoria manus **C**
impositione eis communicare, quod morientis sufficit consolationi secundum definitio-
nes patrum, qui huiusmodi communionem congruenter viaticum nominauerunt, quod
si superuixerint stent in ordine pœnitentium, vt ostensis necessarijs pœnitentiæ fructibus
legitimam communionem cum recōciliatoria manus impositione recipiant. **D**

III. ¶ Pœnitentiam desiderantibus clericis non negandam. **D**
V. ¶ Eos qui ad ecclesiam fugerint tradi non oportere, sed loci sancti reuerentia & in- **E**
tercessione defendi.

VI. ¶ Si quis autem mancipia clericorum pro suis mancipijs ad ecclesiam confugienti- **F**
bus crediderit occupanda, per omnes ecclesias districtissima damnatione feriatur.

VII. ¶ In ecclesia manumisos & per testamentum ecclesiæ commendatos, si quis in ser- **G**
uitutem, vel obsequium, vel ad Coloniaram conditionem imprimere tētauerit, animad-
uersione ecclesiastica coercetur.

VIII. ¶ Si quis alibi consistētē clericum ordinandum putauerit, prius definiat vt cum **H**
ipso habitet, nec eum sine consultatione eius episcopi cum quo ante habitauit ordinare p̄-
sumat quia non sine causa diu ab alio non ordinatus remansit.

IX. ¶ Si qui autem alienos ciues aut alibi cōsistentes ordinauerint, ne inordinati in vllō **I**
accusentur, aut ad se eos reuocent, aut ipsi eis imperent cum quibus habitent.

X. Si quis episcoporum in alienæ ciuitatis territorio ecclesiam ædificare disponit, vel **K**
pro fondi sui negocio, aut ecclesiastica vtilitate vel pro quacūq; sua opportunitate permis-
sa licentia ædificandi (quia prohibere hoc nefas est) non præsumat dedicationem, quæ illi
omnimode referuatur in cuius territorio ecclesia assurgit, referuata vero ædificatori epis-
copo hac gratia, vt quos desiderat clericos in re sua videre, ipsos ordinet, his ciuitatis in
cuius territorium est, vel si ordinati iam sunt ipsi habere acquiescat. Et omnis ecclesiæ ipsius
gubernatio ad eum (in cuius ciuitatis territorio ecclesia surrexerit) pertinebit, quod si etiā
secularium quicunq; ædificauerint ecclesiam & alium magis quàm eum, in cuius territo-
rio ædificat inuitandum putauerit, tam ipse cui contra constitutionem ac disciplinam gra-
tificari vult, quàm omnes episcopi qui ad huiusmodi dedicationem inuitantur à conuen-
tu abstinebūt, si quis excefferit, in reatum deuocabitur, si quis excefferit ordinē recognos-
cat canonicum.

XI. ¶ Placuit in reatum venire episcopum, qui admonitus excommunicatione cuiusq; **L**
sine reconciliatione eius qui eum excommunicauit ei communicare præsumperit, vt in-
tegra omnia (si reconciliatio intercesserit) de iniustitia vel iniquitate excommunicationis
proximæ synodo referuentur.

XII. ¶ Subito obmutescēs prout statutum est baptizari, aut pœnitentiam accipere po- **M**
test, si voluntatis præteritæ testimonium aliorum verbis habet, aut præsentis in suo nutu.

XIII. ¶ Amētibus quæcunq; sunt pietatis, conferenda. **N**

XIII. ¶ Inerguminis baptizatis si de purgatione sua curent, & se sollicitudini clericor- **O**
rum tradant, monitisq; obtemperēt, omnimode communicent sacramenti ipsius virtute
vel muniendi ab incurfu dæmonum quo infestantur, vel purgandi, quorum iam ostendit-
ur vita purgator.

XV. ¶ In quantum vel necessitas exegerit, vel oportunitas præmiserit, de baptisma- **P**
te consulendum.

XVI. Inergumini non solum non assumendi sunt ad vllum ordinem clericatus, sed & **Q**
illi qui ordinati sunt ab imposito officio sunt repellendi.

XVII. ¶ Admixtionem Eucharistiæ simul consecrandam censuimus. **R**

¶ Placuit

Concilium Auricense

- S** XVIII ¶ Placuit cathecuminis non legi Euangelium in Ecclesia.
- T** XIX ¶ Cathecumini nonnunquam admittendi sunt, etiam inter domesticas orationes.
- V** XX ¶ Segregandi informandiq; sunt cathecumini, vt si reuocent & signandos vel benedicendos semotim offerant eos fideles.
- X** XXI ¶ Duo si præsumserint ordinare Episcopum in vestris Prouincijs placuit de præsumptoribus, vt sicubi contigerit duos ep̄os inuitum ep̄m facere authoribus damnatis, vnus Ecclesiæ eorum ip̄e qui passus est, substituatur, si tamen vita respondet, & alter in alterius deiectione loco nihilominus ordinatur, si voluntarium duofecerint, & ipse damnabitur, quo cautius ea quæ sunt antiquitus instituta seruentur.
- Y** XXII ¶ Sedit præterea vt deinceps nõ ordinentur diacones coniugati, nisi qui prius conuersionis proposito confessi fuerint castitatem.
- Z** XXIII ¶ Si quis autem post acceptam benedictionem leuiticam cum vxore sua incontinentens inuenitur ab officio abiciatur.
- A** XXIII ¶ De his autem qui priusquam ordinati fuerint in hoc ipsum inciderint Taurinatis synodi sequendam esse sententiam qua iubentur non vltius promoueri.
- B** XXV ¶ De idoneis autem probatisq; viris, & clericatui alligatis ip̄a vitæ gratia ita gerit, si forte inciderint in duplicata matrimonia, vt non vltra subdiaconatum vel Ecclesiasticas cæ-
- C** XXVI ¶ Diaconissæ omnimode non ordinandæ, si quæ iam sunt benedictioni quæ populo impenditur, capita submittant.
- D** XXVII ¶ Vt viduitatis seruandæ professione coram episcopo in secretario habita impostam à presbytero vestem vidualem non esse violandam. Eius vero repudiatorem, vel ipsam talis professionis desertricem merito esse damnandam.
- E** XXVIII ¶ Hi vero qui sunt desertores professæ castitatis præuaticatores habendi, & omnibus per penitentiam legitimam consulendum.
- F** XXIX ¶ Hæc quæ subscripsimus cum eorum quoq; concordia qui consensus dederunt rata deinceps inter nos ac nostros haberi volumus, & habenda sancimus, non prætereuntes eos qui synodo aut per se, aut per consensus suos, vel ad vicem sublegatos destinando adesse tractant, vt quid sibi de illis placeat, qui patrum statuta despiciunt, innotescat, non quod nobis temporum qualitate difficile sit ad sanctam synodum conuenire, adijcentes quod si similibus deinceps Paganis pro salubritate Ecclesiastica ac remedijs congregare conuētus voluerimus, constituamus, vt nullus conuentus sine alterius conuentus denuntiatione soluat. Itaq; sequenti anno si domino deo nostro Iesu Christo permittente conceditur die decimoquinto Calendas Nouembris in Auraisco territorio conuentum habeamus, qui ideo tanto prius ante denuntietur, vt tam excusationis libertas quam inuitationis necessitas non sit. De die enim ac loco per ipsos nos commonebimur, singuli nobis cum exemplaribus & ea quæ per nos sunt constituta referentes aliquos qui defuerunt beatissimi fratres nostri Hylarij sollicitudini relinquamus, datis ad ipsos exemplaribus commonebimur. Si post omnia occurrerit imbecillitas fragilitatis humanæ, vt si quis episcopus per infirmitatem debilitatemve aliquam aut hebetudine sensus inciderit, aut officium oris amiserit, ea quæ non nisi per episcopos geruntur, non sub præsentia sua presbyteros agere permittat, sed episcopum in hoc quod in Ecclesia agendum fuerit, imponat: Ego Hylarius episcopus subscripsi, Ego Claudius episcopus subscripsi, Ego Constantinus episcopus subscripsi, Ego Audentius episcopus subscripsi, Ego Egrestius episcopus subscripsi, Ego Iulianus episcopus subscripsi, Ego Auspitijs episcopus subscripsi, Ego Maximus episcopus subscripsi, Ego Theuderius episcopus subscripsi, Ego Eucherius episcopus subscripsi, sanctorum sacerdotum comprouincialium meorum qui superius sunt memorati expectantes assensum Nectarius subscripsi, Iustus episcopus subscripsi, Augustalis episcopus subscripsi, Ingenius episcopus subscripsi, Salonius episcopus subscripsi, Ego superuentor p̄ patre meo episcopo Claudio subscripsi & recognoui.

Incipiunt capitula concilij Valensis.

- | | |
|--|--|
| <p>¶ Vt gallicani ep̄i in gallijs non discutiant</p> <p>¶ De penitentibus subito mortuis vt oblationes eorum recipiantur</p> <p>¶ Vt alterius episcopi chryisma nullus accipiat, sed tantummodo proprij</p> <p>¶ Vt qui oblationes defunctorum retinent,</p> | <p>excommunicentur</p> <p>¶ Vt qui sententiæ episcopi sui non acquiescit recurrat ad synodum</p> <p>¶ Vt excommunicatus humiliet semetipsum vt festinus reconcilietur</p> <p>¶ Vt accusatores de leuib; causis non audiuntur</p> |
|--|--|